

四庫全書

集部

欽定四庫全書

榮陽外史集卷六十五

明 鄭真 撰

表

鳳陽衛正旦進賀表箋三道

洪武十三年正月上
進洪武十二年十一

月內准臨淮縣
牒文修撰後同

上位表

上言春始歲時寅為人統仰廷陞之天開集萬方而同

賀

中賀

欽惟皇帝陛下受天眷命允武允文車書成一

統之功禮樂致升平之治生物用成嘉祥駢集際陽春之盛旦洽民庶之懽心臣荷承寵命忝衛鳳陽祝頌願效於華封福壽永同於天地

中宮牋

上言夏時授歷禮盛宮闈內教所尊會朝稱頌

中賀

敬惟

皇后殿下柔嘉維則儷日同明遂成黼黻之文永輔衣裳之治燕謀以永同樂太平肇當正旦之臨式行邦家

之福臣某等忝職鳳陽莫勤報効上闕睢之美頌祝萬壽以齊天

東宮箋

上言盛旦天開寅正賜厯仰前星之著象祝多福於東

宮中賀敬惟皇太子殿下英姿天錫盛德日新尊師重

傳益懋多聞侍膳問安恭承聖訓永協重暉之頌欣逢

盛旦之華臣某忝衛鳳陽荷承寵祿恭上千秋之壽普

同九寓之歡

鳳陽左衛正旦進賀表箋三道

上位表

上言觀象治民成周盛典萬年祝頌臣子至情適茲獻
歲之初喜際升平之運

中賀

欽惟皇帝陛下上聖生知

聰明文武集車書之一統定天下之常經樂歲豐登兆
民春育恭仰會同之旦倍膺多福之臻臣某等祇荷
寵恩忝司左衛與軍民而稱壽同海宇之懽心

中宮箋

上言海宇盛平王正肇序集玉帛之會同觀中宮而稱
壽中賀敬惟皇后殿下位正柔儀助成內治玉冊輯禮
文之盛輦衣明象服之崇介此令辰永膺福履臣某等
職司左衛莫綴班聯效歌頌於闕睢祝齊年之萬壽

東宮箋

上言前星示象鶴籙天開際令序之陽明祝千秋之上
壽中賀敬惟皇太子殿下性姿溫厚講學高明位成主
鬯之尊日謹問朝之禮燕謀垂裕永介洪禧某忝司左

衛祗奉恩榮協重潤之頌歌與軍民而忭舞

鳳陽右衛正旦進賀表箋三道

上位表

上言海宇之內正朔所同集玉帛於大廷觀聖顏而稱
壽中賀欽惟皇帝陛下文武生知上承景運資治盛絲

綸之訓問心明性稟之良禮樂大成貽謀萬代際茲盛
旦多福駢臻臣某等忝職中都實司右衛敬效華嵩之
祝永同億兆之懽

中宮箋

上言正月上日禮正內廷盛樂舞之鈞韶觀慈顏而獻
頌中賀敬惟皇后殿下德盛柔嘉躬行慈儉輔聖謨於
廷陛著母教於宮闈歌咏關雎貽謀燕翼肇會朝
之盛旦協海宇之歡心臣某忝司右衛莫効忠勤祝福
壽之齊年與天地其永久

東宮箋

上言治平景運鶴籙春開集萬方之會同盛明廷之禮

樂中賀敬惟皇太子殿下天性溫恭禮成主鬯近正人以
正學歌重潤以重暉際此令辰倍膺多福某忝司右衛
任重軍民瞻玉宇之前星祝千秋之上壽

鳳陽中衛正旦進賀表箋三道

上位表

上言聖君致治上謹天時肇獻歲之云初示王春
之一統中賀欽惟皇帝陛下上聖生知受天景命武功
以一海宇文治以開太平輔弼謀謨廣延耆碩集百王

之制作衍億代之本支際此陽春永成吉履臣某等忝
司中衛祇受鴻恩效嵩岳之三呼祝箕疇之五福

中宮箋

上言厯象授時肇頒大統內教著乎宮廷玉帛同乎海
宇凡在臨照莫不懽忻

中賀

敬惟皇后殿下位正柔儀

與天同大式著修齊之效輔成混一之功福履其成燕
謀以永臣某欽逢盛旦拱對慈顏祝萬壽以齊天上南
山之美頌

東宮箋

上言欽若昊天聖皇盛治萬方玉帛鶴籥同尊肇迎獻
歲之祥式著重暉之頌中賀欽惟皇太子殿下天稟英
姿以賢以長凡育下裕民之意得諸問安侍膳之時是
以問學高明日新盛德天人允協物象咸春臣忝司中
衛莫報洪恩祝福祿之千秋觀龍樓而忭舞

留守中衛正旦進賀表箋三道

上位表

上言海宇升平共逢景運陽春盛旦玉帛會朝

中賀欽

惟皇帝陛下上聖生知君臨盛德政教同乎華夏恩澤
浹乎民庶綸音所及咸曰大哉言一哉心遠近樂育如
唐虞之時矣臣某等忝司中衛任重留司敬歌南山之
詩上祝萬年之壽

中宮箋

上言正朔恩頒欽逢歲旦盛中宮之禮樂歌福祿之攸
宜

中賀

敬惟皇后殿下徽柔懿恭助成內治母訓著於

天下內教及乎宮廷樂育太平玉帛來賀臣某職司留
衛祇荷恩榮祝福壽以齊年上闕睢之善頌

東宮箋

上言春開鶴籞治象維新盛玉帛之會同上千秋之美

祝

中賀

敬惟皇太子殿下天稟英姿金冲玉潤侍膳問

安之敬崇儒講學之勤是以大本尊安人心悅豫屆茲
盛旦福履其成矣某忝司留鑰莫報忠勤願澄少海之
輝永比前星之壽

留守左衛正旦表箋三道

上位表

上言厯頒大統物象皆春上天子萬年之詩仰龍廷禮
樂之盛

中賀

欽惟皇帝陛下應天啓運文武生知謀謨

粲黼黻之文訓勅著絲綸之盛太平景運海宇懽心肇令
序之維新衍邦家之福祿臣某忝司左衛列職中都屬
當署置之初莫報恩榮之厚華嵩祝頌恭効微誠

中官箋

上言龍廷賜厯式謹人時禮盛宮廷玉帛同賀上齊天之福壽伸臣子之至情中賀欽惟皇后殿下恭敬徽柔母教天下著易象順承之義協周詩福履之成輔佐聖猷太平盛治臣某祇承寵命任寄留司肇當視篆之時式際會朝之盛拱瞻內殿祝頌維深

東宮箋

上言海宇春開前星示象集玉帛會朝之盛協重暉重潤之歌中賀敬惟皇太子殿下以賢以長位正東宮於

問安侍膳之餘富日就月將之學遵承聖訓輔助皇猷
是以邦家用安燕謀以永際茲獻歲福祿來同矣某仰
荷恩榮忝司留衛式謹建牙之始恭逢盛典之臨嘉與
軍民千秋祝頌

懷遠衛正旦進賀表箋三道

上位表

上言春王正月聖經所書天子萬年周詩善頌恭仰會
同之盛敬伸臣子之誠

中賀

欽惟皇帝陛下文武生知

膺天眷命集車書之一統致天下於文明生物用成海
涵春育際此履端之盛倍膺福履之新臣某等忝衛懷
遠莫報忠勤仰玉筍之班聯與軍民而忭舞

中宮箋

上言玉厯授時寅正肇序觀宮廷而獻壽頌周雅之南
山中賀敬惟皇后殿下位正中宮柔嘉維則懋著修齊
之效輔成平治之功儼日同明履端協吉某忝位中都
軍民重寄恭上齊天之頌永言福履之成

東宮箋

上言正月上日聖治陽明仰鶴籙之天開觀龍樓而稱
賀中賀敬惟皇太子殿下禮成主宅位正前星稟金明
玉潤之姿富修齊治平之學燕謀以永海宇安寧際此
陽明履端協吉某忝衛中都莫聯班綴祝千秋之上壽
効漢頌之重暉

長淮衛正旦進賀表箋三道

上位表

上言天開海宇治象維新盛玉筍之班聯觀大廷而同

賀

中賀

欽惟皇帝陛下濬哲文明剛健中正集百王之

禮樂同九寓之車書是以上協天心禎祥駢集會同盛
旦吉履其成矣臣某忝衛長淮荷承寵命祝萬年之
福壽衍億代之本支忭舞之情倍踰常品

中宮箋

上言明廷賜厯上謹天時玉帛會同中宮受賀

中賀敬

惟皇后殿下教行慈儉德盛柔恭嗣任妣之徽音輔唐

虞之盛治海寓之內關睢咏歌屆茲獻歲福履其同矣
臣某忝衛長淮欽逢盛旦恭上齊天之壽共伸就日之
誠

東宮箋

上言天近龍樓春開鶴籞上千秋之美頌協樂舞之鈞
韶中賀敬惟皇太子殿下天稟英姿日新講學凡修身

齊家之要在宮廷諾唯之間是以天人悅豫中外同懽
福履攸宜肇茲獻歲某忝衛長淮每思報効恭際會朝

之盛敬伸善頌之誠

燕山護衛正旦進賀表箋三道

上位表

上言春開海宇聖治維新仰瞻殿陛之華禮樂會同之
盛凡在覆育莫不歡心中賀欽惟皇帝陛下君臨萬方
生知盛德致衣裳之盛治輯黼黻以成文與物為春肇
臨正旦臣某忝司扈衛實重藩維祝萬壽之維祺與天
長而地久

中宮箋

上言泰治維新宮廷盛禮履端受賀海宇同懽

中賀敬

惟皇后殿下與日同明比天共大皇猷資輔助之功內
教致關雎之盛肇當盛旦與物咸亨臣某忝司扈衛願
効忠勤永歌福履之成同上齊天之壽

東宮箋

上言正月上日治象陽明禮樂觀朝東宮受賀

中賀敬

惟皇太子殿下盛德溫恭位尊主宅謹視膳問朝之禮

成尊儒講學之功是以上協天心燕謀以永際茲盛旦
生物同春某忝司扈衛莫報恩榮願少海之澄輝祝千
秋之上壽

青州護衛軍進賀表箋三道

上位表

上言厯頒大統海宇春開當車書混一之時盛玉帛衣
冠之會中賀欽惟皇帝陛下濬哲生知文明應運與天
地同其大共日月以為明廣致耆英謀謨輔弼遂致太

平之治普同億兆之心臣某等忝司扈衛莫効忠勤共
仰九奏之鈞韶敬祝萬年之上壽

中宮箋

上言鳳歷授時肇頒正朔觀宮廷而獻壽集盛代之衣
冠

中賀

敬惟皇后殿下德著柔恭教行勤儉輔衣裳之

盛治衍百代之本支盛旦肇臨齊天介壽臣某効職藩
維荷承寵祿共上思齊之雅永歌福履之成

東宮箋

上言欽若昊天肇新治象式謹會同之禮仰瞻鶴籙之華
中賀敬惟皇太子殿下美質天成尊居嫡長前星聯玉
宇之輝少海映金波之潤燕謀以永家邦用寧際盛旦
之春開介箕疇之福祿某章際明時職司扈衛祝千秋
之上壽協重潤之樂歌

洪塘千戶所正旦進賀表箋三道

上位表

上言治厯明時肇新泰象仰九重之禮樂祝萬壽以維

祺中賀欽惟皇帝陛下上聖生知文明啓運混華夷之
一統立天下之常經玉帛梯航會同海宇際茲獻歲福
履其成矣臣某等荷承恩寵事重農功願同嵩岳之呼
敬上幽詩之頌

中宮箋

上言聖皇啓運在正天時海宇清平實由內治恭承會
同之旦肇當獻歲之初中賀敬惟皇后殿下德懋儉勤
與天同大允著徽音之雅遂成母教之尊正旦天開倍

膺多福臣某等忝膺寵祿茂對盛明治田用重於農功
歌頌願登於齊壽

東宮箋

上言大統承天生春肇序會同玉帛鶴籙同尊

中賀敬

惟皇太子殿下性稟天成溫文恭敬傳經講學禮重名
儒侍膳問安恭承聖訓際陽明之盛旦同海宇之歡心
某忝職屯田荷承寵命上重暉之善頌祝多福於千秋

皇陵衛指揮司使正旦進賀表箋三道

洪武十四年
正月上進十

三年十一月內承

准臨淮縣牒文

上位表

上言堯典定時成歲姬周觀象治民所以明正朔於天下也陽德維新玉帛來賀

中賀

欽惟皇帝陛下受天明

命君臨兆民治致升平恩覃樂育是以盛德宏業如天地之大日月之明矣臣某等忝衛皇陵祗承上命敬效華封之祝普同海宇之懽

中宮箋

上言治厯明時朝廷盛典中宮受賀海宇同心中賀敬
惟皇后殿下德盛柔恭恩推慈惠示母儀于天下輔聖
治之文明福履其成際茲吉旦臣某等忝衛皇陵洪恩
莫報祝萬年之齊壽與天地以久長

東宮箋

上言恩頒玉厯萬象春開盛禮樂之會朝介青宮之多
福中賀敬惟皇太子殿下毓德溫恭承顏敬謹允契修
齊之要輔成平治之功是以燕謀貽永天人協吉肇茲

泰象邦家永寧其祗承上命忝衛皇陵祝壽千秋實深
舞忭

鳳陽衛指揮使司正旦進賀表箋三道

上位表

上言寅正授厯萬方一統集禮樂於大廷奉玉帛而來
賀

中賀

欽惟皇帝陛下奉天承運君臨兆民剛健中正

恭已而治文教以育賢材武功以安海宇屆茲穀旦福
履駢臻臣某等忝衛鳳陽荷承恩命恭上萬年之壽頌

用伸臣子之誠心

中宮箋

上言厯頒大統萬象維新禮正宮廷家邦同賀

中賀敬

惟皇后殿下內教所尊母儀維則黼黻助衣裳之治文明
盛典冊之華景貺來臻履茲獻歲臣某等上承恩命職
衛鳳陽同九宇之歡心祝齊年之福祿

東宮箋

上言景運維新王正示厯東宮受賀景福千秋

中賀敬

惟皇太子殿下恭敬溫文位尊主鬯謹視膳問安之禮
盛崇儒講學之功是以上契天心允協人望際茲盛旦
福履攸宜某祇荷洪恩忝居列衛瞻仰前星之正實深
祝頌之誠

鳳陽左衛指揮使司正旦表箋三道

上位表

上言海宇春開青陽肇序聖人在位品物咸亨用申祝
頌之誠恭際會同之旦 中賀 欽惟皇帝陛下應運龍興

與天合德用廣賢良之助遂成平治之功恩波所及海
涵春育適王正之令序輯福祿以維新臣某等仰荷
洪恩職司左衛上萬年之歌頌與億兆以同懽

中宮箋

上言厯頒大統歲序維新禮盛內廷家邦同賀中賀敬
惟皇后殿下位正宮廷柔嘉維則示天下之母儀輔清
平之盛治肇當盛典福履攸宜臣某等忝司右衛莫造
班聯齊壽萬年實深祝頌

東宮箋

上言陽春盛旦萬物維新禮正東宮臣民同悅

中賀

敬

惟皇太子殿下天性聰明日新講學視膳問安遵承聖訓建大本以尊崇輯邦家之福祿肇當獻歲共樂清平某祇奉恩綸職司左衛瞻前星之示象祝上壽於千秋鳳陽右衛指揮使司正旦表箋三道

上位表

上言聖人臨御海宇咸寧適獻歲之發春與邦家而同賀

中賀
欽惟皇帝陛下生知聖武應運文明德為億兆之師富有萬方之盛太平致治福履攸宜臣某等自揆庸材祇承新命萬壽同伸於祝頌微忱願効於忠勤

中宮箋

上言時臨盛旦正朔所同盛禮樂於內廷奉慈顏而稱壽
中賀
敬惟皇后殿下徽柔恭儉位正中宮示易象順承之義成周南內治之功獻歲云初茂臻福祿臣某等忝司右衛新命祇承瞻日月之同明與邦家而永久

東宮箋

上言玉厯肇新前星示象祝東宮之多福致臣子之微
忱中賀敬惟皇太子殿下天稟英姿溫文恭敬禮式謹於
君親學躬承於師傅上遵聖訓輔成治功適獻歲之云
初協家邦而同悅某祇承新命効職鳳陽際一統之明
時祝千秋之上壽

鳳陽中衛指揮使司正旦表箋三道

上位表

上言天時正則歲功以成當海宇混同之時禮樂之盛
用以一天下之懽心焉中賀欽惟皇帝陛下應期撫運
敬天勤民成久安長治之基廣輔弼賢良之佐恩涵覆載
與物為春臣某等忝司列衛式際明時歌萬壽之維祺
與軍民而祝頌

中宮箋

上言厯頒大統萬象維新獻壽中宮懽同海宇中賀敬
惟皇后殿下徽柔恭儉輔佐皇猷成身修家齊之功協

周詩關雎之詠屆茲盛旦福祿來同臣某祇荷洪恩忝
司列衛履端適際於盛時齊壽願伸於善頌

東宮箋

上言王春肇建歲序維新玉帛會同青宮介福

中賀敬

惟皇太子殿下姿稟天成前星正位政治參聞敬遵聖
訓傳經講學廣致賢英大本攸尊詒謀以永其恭際明
時忝司列衛效重潤與重暉為千秋之善頌

鳳陽留守中衛指揮使司正旦表箋三道

上位表

上言易言治厯明時春秋書春王正月所以示正朔於天下也盛旦會朝萬方來賀

中賀

欽惟皇帝陛下武功文

德上協天心制禮作樂遂成平治是以福履維新萬年聖壽與天地同其大也臣某等忝職中都實司留衛莫侍班聯之盛惟深忤舞之誠

中宮箋

上言泰運維新中宮盛禮聖壽齊年實深祝頌

中賀

敬惟

皇后殿下肅恭慈儉助日為明身修家齊之功佐輔聖明之治是以教成於內而及於天下也臣某等忝司留衛何補事功永歌福履之成敬效周詩之雅

東宮箋

上言日近龍樓前星示象三陽開泰禮盛會朝

中賀敬

惟皇太子殿下天稟英姿位崇主鬯輔以正人講明聖學是以本支貽永協四海民人之心矣某忝職屯田祇承恩命效重暉之美頌祝福祿於千秋

鳳陽留守左衛指揮使司正旦表箋三道

上位表

上言聖人奉天時而正人事所以明正朔也玉陛春開

萬方同賀

中賀

欽惟皇帝陛下文武聖神君臨華夏正

學示問心之要皇猷資輔弼之良海宇昇平梯航來貢
際茲盛旦中外懽心臣某等上承恩命忝任留司仰九
奏之鈞韶祝萬年之福壽

中宮箋

上言恩頒厯象海宇昇平盛禮樂之會朝集內廷而獻頌
中賀敬惟皇后殿下中宮正位與日同明肅恭以輔皇
猷慈儉以成內治際茲泰象福履其成臣某等任重軍
民忝司留衛祝齊年之上壽樂盛代之延洪

東宮箋

上言天近龍樓前星示象千秋福祿與日為春肇當泰
長之辰同致履端之賀
中賀敬惟皇太子殿下生稟英姿
日新盛德凡修齊治平之要在問安視膳之時萬代本

支燕謀以永其忝司留衛共際明辰恩榮莫報於忠勤
忭舞願伸于善頌

長淮衛親軍指揮使司正旦進賀表三道

上位表

上言聖人頒政教於天下必治厯明時者所以示一統
之正也盛旦春開萬方玉帛中賀欽惟皇帝陛下文武
聖神剛健中正同九宇之車書集百王之禮樂而猶廣
徠賢士以成至治肇王正之令序宜萬壽以維祺臣

某等忝衛長淮俯思報効恭際太平之運實深忭舞之誠

中宮箋

上言萬方一統禮重內廷獻歲云初玉帛同賀

中賀
欽

惟皇后殿下肅恭慈儉位正中宮遂成內助之功用輔
聖明之治適茲正旦萬壽齊年臣某等幸際明時共伸
祝頌維天地日月同德同明願邦家民人永安永久

東宮箋

上言玉厯授時太平景運青宮祝頌海宇同懽

中賀 欽

惟皇太子殿下毓德溫文承顏敬謹位應前星之象德
為主鬯之尊講學崇儒輔成聖治適茲泰運之開允著
燕貽之永某荷承恩命職衛長淮效重潤之樂歌祝于
秋之福壽

懷遠衛親軍指揮使司正旦進賀表箋三道

上位表

上言厯象授時所以明政教于天下也仰盛旦之會同

奉聖顏而稱賀

中賀

欽惟皇帝陛下德盛君臨允文允武集

百王之禮樂同四海之車書廣致賢良昇平治理際陽
明之獻歲協天地之殊祥臣某等忝受洪恩忝衛懷遠萬
壽願同於福祿秉心用効於忠勤

中宮箋

上言海宇一家寅正肇建奉內廷而獻壽與日月以同
明中賀敬惟皇后殿下正位六宮肅恭慈儉玉冊禮文
之盛金枝奕葉之華上輔聖明唐虞盛治際茲盛旦福

履其成臣某等忝司列衛願効忠勤太平恭際於明時
忭舞願稱於齊壽

東宮箋

上言明廷玉厯敬授人時鶴籙天開萬方來賀

中賀敬

惟皇太子殿下天性溫恭禮成主鬯講學得修齊之要
侍朝躬敬謹之誠大本尊崇燕謀詒永際陽春之盛旦
介景福以維新某忝衛淮遠莫報明恩祝福壽之千秋
瞻前星之有象

洪塘湖屯田千戶所正旦進賀表箋三道

上位表

上言春開海寓歲厯維新盛禮樂之會同協民人而共

賀中賀欽惟皇帝陛下聖神天縱膺運文明典謨資黼

黻之功詔旨協絲綸之訓際茲獻歲普樂昇平臣某荷
承明命忝職屯田共歌萬壽之詩敬上豐年之頌

中宮箋

上言大統新頒歲功肇序履端受賀吉協內廷
中賀敬

惟皇后殿下恭敬柔嘉六宮正位輔佐衣裳之治助成
黼黻之華福履其成際茲獻歲臣某恭承上命事重農
功願樂豐歲之豐登祝齊年之上壽

東宮箋

伏以正月之吉獻歲發春玉帛會同東宮受賀

中賀敬

惟皇太子殿下稟質天成金相玉潤富日就月將之學
盛待士崇儒之禮是以大本尊安天人允協際茲盛旦
福祿千秋某忝職農屯洪恩莫報上重暉之歌頌願隴

商之豐登

榮陽外史集卷六十五

欽定四庫全書

榮陽外史集卷六十六

明 鄭真 撰

表

鳳陽衛指揮使司九月十八日天壽聖節賀表

洪武

十四

年

上言聖主當陽祥開虹渚集廷墀之玉帛會海宇之衣

冠嘉與民生懽同忭舞 中賀 欽惟皇帝陛下恩涵率普

德盛君臨創業傳統之功制禮興樂之治仰逢華旦福履其成矣臣某等荷承明命忝衛鳳陽報効莫致於忠勤祝頌願致於上壽

鳳陽右衛指揮使司天壽聖節賀表

上言天生聖人以君主華夏者所以開盛代之太平也虹渚迎祥玉帛來賀中賀欽惟皇帝陛下聰明文武位正乾剛遂成混一之功普致雍熙之治綸言廣被春育海涵際茲華旦之臨適屆秋成之月禮成樂備福履其

宜臣某等忝職鳳陽實司右衛與軍民而忭舞祝聖壽
之萬年

懷遠衛親軍指揮使司天壽聖節賀表

上言天眷皇明聖人在位祥開虹渚月屆秋陽盛玉帛
之會朝合邦家而同賀

中賀

欽惟皇帝陛下文武英姿

應期撫運禮教集才賢之盛治政資輔弼之良生物順
成嘉祥協應際茲華旦萬壽維祺臣某等忝衛懷遠莫
報洪恩共伸周雅之忱敬上堯年之祝

鳳陽左衛指揮使司天壽聖節賀表

上聖君臨受天眷命玉厯屆秋成之月彤廷迎虹渚之祥萬方來同盛時禮樂

中賀

欽惟皇帝陛下性本生知

恩涵廣宇啓邦家之景運體天地以同仁華旦恭逢永安福祿臣某等忝司左衛莫報恩榮祝萬壽之齊天上周詩之雅頌

鳳陽中衛指揮使司天壽聖節賀表

上言祥虹在渚景運天開會禮樂於大廷協秋陽之令

月凡居覆載忭舞同懽

中賀

欽惟皇帝陛下德為聖人

尊為天子海宇之內涵育仁恩恭逢華旦之臨共覩治
平之盛嘉祥協應多福駢臻某忝職鳳陽實司中衛效
華封之三祝頌聖壽之萬年

長淮衛指揮使司天壽聖節賀表

上言華渚祥虹金行協應萬年福壽請祝聖人仰玉殿
之天開集四方之玉帛

中賀

欽惟皇帝陛下天地共德

日月同明撫景運之雍熙致昇平之盛治欣逢吉日億兆

同懼臣某等忝衛長淮恭承恩命願效忠勤之報惟深
頌美之誠

留守左衛指揮使司天壽聖節賀表

上言聖人臨御海宇昇平仰祥虹在渚之辰正生物遂
成之日衣冠禮盛廷陞會朝

中賀

欽惟皇帝陛下受命

龍興功成混一定邦家之大本立天下之常經吉旦天
開茂膺福祿臣某等恭際盛時忝司留衛共祝萬年
之壽同伸報上之誠

留守中衛指揮使司天壽聖節賀表

上言祥虹在渚禮盛明廷致頌美之忱辭祝聖人而曰
壽海宇之內忭舞同懽

中賀

欽惟皇帝陛下治定功成

禮興樂備合天地生成之德同日月照臨之明吉旦天
開嵩呼三祝臣某等忝司留衛職効中都願福祿之來
同萬斯年而永久

皇陵衛指揮使司天壽聖節賀表

上言聖人受命以君萬方所以上契天心下協人心者也

當祥虹在渚之辰獻聖壽萬年之頌

中賀

欽惟皇帝陛

下英姿文武治定功成同日月以常明與春秋而俱富
斂時百福以錫兆民臣某等忝衛皇陵欽逢華旦仰鈞
奏之九成同嵩呼之三祝

洪塘湖屯田千戶所天壽聖節賀表

上言龍御當陽祥虹在渚恭仰會朝之旦謹伸報上之

誠海宇同懽昇平盛典

中賀

欽惟皇帝陛下聖德神功

受天眷命定邦家之大典致天下之文明一統車書梯

航奉貢維茲華旦福祿其臻矣臣某等荷承委任事重
屯田豐登適際於秋成頌美共歌於萬壽

鳳陽衛指揮使司冬至進賀表箋三道

上位表

上言易卦著復亨之吉聖人所以見天地之心也適際
履長之吉盛陳朝會之儀

中賀

欽惟皇帝陛下應運撫

期武功文德廣禮樂詩書之教輯紀綱法度之傳年穀
順成恩涵樂育際茲長至福祿其臻矣臣某等忝衛鳳

陽上承明命效周詩之善頌祝萬壽之維祺

中宮箋

上言月應黃鍾復亨協吉奉慈顏而獻頌與海宇以同
懽中賀敬惟皇后殿下德盛徽柔教行勤儉輔成天地
之功式衍邦家之福肇當至日吉履攸宜臣某忝衛鳳
陽莫聯班綴上履長之善頌致報上之忠忱

東宮箋

上言天近龍樓前星有耀值新陽之來復集衣冠之會

朝

中賀

欽惟皇太子殿下位尊主鬯德順承顏安邦本

以係人心輔皇猷而成至治是以海宇之內咸安樂育
福祿之盛與物俱春某忝衛鳳陽莫伸報効際迎長之
景運效歌頌於重暉

鳳陽右衛指揮使司冬至進賀表箋三道

上位表

上言陽生於子至日斯臨仰玉陛之九重集會朝之玉
帛凡居率普忭舞同懽

中賀

欽惟皇帝陛下聰明文武

位正乾綱同日月之明協天地之德制禮興樂致治昇
平適亨復之維時介萬年之景福臣某等効職鳳陽忝
司右衛恭上履長之頌用陳祝壽之誠

中宮箋

上言玉厯順時天正紀旦瞻仰宮廷之盛共修臣職之
恭玉帛會同履長獻頌中賀敬惟皇后殿下柔惠仁慈
母儀天下助皇猷之黼黻輔聖治之清平至日肇臨倍
膺福祿臣某等忝司右衛莫綴朝班祝上壽之祿年與

軍民而忭舞

東宮箋

上言月應黃鍾日書南至敬瞻主愛之尊同祝千秋之壽
中賀敬惟皇太子殿下天稟英姿金相玉裕於問安視
膳之餘契修齊治平之要是以人心允協大本攸尊嘉
與含生同其福祿矣某等忝沐洪恩職司右衛對履長
之景運上歌頌之重暉

鳳陽中衛指揮使司冬至表箋三道

上位表

上言月應黃鍾陽生玉琯獻履長之善頌仰盛治之文明凡在照臨懽同舞忭中賀欽惟皇帝陛下聰明神武上聖之姿膺天命以順人心廣才賢而成至治恩波所及與日俱春盛福祿以駢臻際書雲之吉旦臣某等署事鳳陽實為中衛同上萬年之壽維深報効之誠

中宮箋

上言至日迎長復亨協吉盛著會朝之典同瞻母教之

尊

中賀

敬惟皇后殿下徽柔慈淑正位宮廷式資黼黻之功永輔衣裳之治本支百代燕翼貽謀肇迎長至之祥益衍邦家之福臣某署事鳳陽祇承恩命際文明之景運祝聖壽之齊年

東宮箋

上言新陽初復位應前星集萬方之會同祝東宮之多

福

中賀

敬惟皇太子殿下位尊主鬯德盛承顏成尊賢講學之功得修已安民之要是以上贊聖明本支百代

為宗社久長之福某効職鳳陽忝為署事敬上千秋之
壽普同海宇之懽

留守中衛指揮使司冬至進賀表箋三道

上位表

上言日書南至治厯者所以明天運之常示人時之正
也廷陛受朝太平禮樂中賀欽惟皇帝陛下至聖至誠
允文允武爰啓雍熙之運遂成政教之功四海一家恩
涵樂育際此書雲令旦永歌福履其成臣某等留司中

衛祗荷恩榮祝福壽之萬年協周詩之美頌

中宮箋

上言子為天統至日迎長同海宇之懽心介中宮之多

福中賀敬惟皇后殿下慈惠溫恭與天協德式示母儀

之正用成內教之尊贊輔皇猷清平致治際茲令旦仁
壽其躋臣某等忝衛留司實為中衛恭上齊年之壽共
伸向日之忠

東宮箋

上言陽生於子上奉天時集衣冠之會同協重暉而致
頌中賀敬惟皇太子殿下德冠金枝位尊主鬯為邦家
之大本係海宇之人心視膳問安敬遵聖訓際此履長
令旦倍膺福祿其臻與率普以同懽祝千齡之上壽

留守左衛指揮使司冬至進賀表箋三道

上位表

上言子為天統至日迎長聖人所以謹時也盛禮樂於
宸廷集玉帛以來賀中賀欽惟皇帝陛下文德武功萬

方一統成修齊治平之效著禮樂法制之傳嘉與民生
海涵春育際此新陽來復永膺福履之臻臣某等忝職
留司實為中衛效周詩之美頌祝聖壽之萬年

中宮箋

上言玉厯明時日書南至集衣冠於內殿奉母教之尊嚴
中賀敬惟皇后殿下位正宮迂徽柔慈淑示易象順承

之義成周詩勤儉之功上贊聖明本支百代際茲令旦
福履攸宜臣某等祇受明恩忝司留衛上履長之善頌

致報上之忠忱

東宮箋

上言鶴籙天開前星正位協重暉之善頌仰青殿以覲

朝

中賀

敬惟皇太子殿下英姿濬哲稟性溫恭得聖學

之心傳贊文明之盛治問安侍膳禮謹承顏大本尊安
人心允協履長之吉亨復維時某忝司留衛莫報洪恩
介福壽之千秋與兆民而祝頌

長淮衛指揮使司冬至進賀表箋三道

上位表

上言治厯明時聖人所謹天正長至福履維宜集玉帛
之會同實朝廷之盛典中賀欽惟皇帝陛下上聖生知
聰明濬哲武功以開景運文教以淑人心是以四海之
內恩涵樂育福祿之盛與天地同大日月同明矣臣某
等忝衛長淮莫聯班綴嘉與民人上祝聖壽萬年以致
臣子之情焉

中宮箋

上言玉厯順時日書南至會同玉帛內教同尊

中賀敬

惟皇后殿下德盛徽柔躬行慈儉輔文明之盛治著詩
雅之徽音際此迎長普躋仁壽臣某等忝衛長淮祇承
恩命祝齊年之福壽歌景運之雍熙

東宮箋

上言月正仲冬陽生于子龍樓天近位正前星致勤報
効之誠仰際會同之旦

中賀敬惟皇太子殿下恭敬溫

文日新盛德富日就月將之學謹問安侍膳之誠上協

宸心遂成至治際此復亨之吉倍膺福履之臻某幸生
盛時職司列衛效重暉而獻頌衍福祿之千秋

六安州冬至進賀表箋三道

上位表

上言春秋傳書日南至所以謹天運之常也仰盛代之
昇平合會朝之禮樂凡居海宇莫不懽心

中賀

欽惟皇

帝陛下上聖生知聰明神武撫有華夷之盛遂成平治
之功際此新陽萬年福祿臣某忝職州司祇承明命願

上履長之壽頌同伸祝壽之誠心

中宮箋

上言月應黃鍾天正紀旦盛宮廷之禮樂際聖代之文
明凡在照臨玉帛來賀中賀敬惟皇后殿下位正柔儀
輔成至治式著修齊之效永歌福履之成吉旦適臨恩
涵海寓臣某等職列州司莫聯班綴敬上齊年之壽同
伸就日之誠

東宮箋

上言天開於子陽復維時集四海之會同盛龍樓之禮

樂

中賀

敬惟皇太子殿下尊居嫡長性稟生知於問安

侍膳之時得修齊治平之要履茲長至茂集繁禧某荷

承恩命任寄州司願同億兆之懽心敬上重暉之善頌

六安州守禦千戶所冬至進賀表箋三道

上位表

上言日書南至禮盛會朝仰聖治之文明集四方之玉

帛凡居率普忭舞同懽

中賀

欽惟皇帝陛下文武聰明

應期撫運車書成一統之功禮樂合百王之制洪恩所被春育海涵適茲陽復之臨永介履長之吉臣某等職司守禦喜際明時祝聖壽之維祺萬斯年而永久

中宮箋

上言子為天統月正仲冬集內殿之衣冠上履長之善

頌

中賀

敬惟皇后殿下盛德恭勤聖心慈惠示母教以

居尊輔皇猷而致治屆茲吉旦福祿來同臣某等祇奉明恩職司守禦祝齊年之上壽効臣子之忠勤

東宮箋

上言月應新陽復亨協吉祝東宮之上壽際聖代之昇
平中賀敬惟皇太子殿下德茂重暉禮崇主鬯式廣儒
宗之輔上遵宸訓之嚴是以大本尊安天人協順際會
同之盛旦宜多福之駢臻某茂對良辰莫聯班綴瞻龍
樓之日近歌重潤以重暉

皇陵指揮使司正旦進賀表箋三道

洪武十五年
正月初一日

上位表

上言厯象授時聖人所以敬天而勤民也當陽明之令
旦協海寓之懽心丹陛會朝玉帛來賀中賀欽惟皇帝
陛下文德武功應期啓運著修齊治平之效明紀綱法
度之傳海宇安寧恩涵生育際茲獻歲與物俱春臣某
等忝衛皇陵恭承寵命敬祝萬年之壽同伸報上之誠

中宮箋

上言厯頒大統治教維新仰日月之同明盛宮廷之禮

樂

中賀

敬惟皇后殿下內教居尊母儀天下示易象順

承之義成周詩勤儉之功贊輔聖明太平盛治際此會
朝令旦永歌福履其成臣某等祇承慈命忝衛皇陵同
伸就日之誠恭上齊年之壽

東宮箋

上言月正上日治象陽明仰龍樓於九重盛會朝之玉
帛中賀敬惟皇太子殿下位崇主鬯德茂重華侍膳問

安參聞政治崇儒講學允協人心是宜大本尊安與宗
社同其長久矣某忝衛山陵願勤報効上千秋之善頌

祝福壽之維祺

懷遠衛親軍指揮使司正旦進賀表箋三道

上位表

上言春王正月物象維新聖壽萬年誠深祝頌仰九重
之廷陞集玉帛以觀朝

中賀

欽惟皇帝陛下允文允

武上聖生知膺天眷以順人心撫四方而成一統恩覃
化育德合生成適正旦之云初宜倍膺於福祿臣某等
忝衛懷遠莫致忠勤效三祝之微忱與軍民而忭舞

中宮箋

上言景運文明王正肇序盛中宮之禮樂伸祝頌之忠

忱

中賀

敬惟皇后殿下位正柔儀恩覃慈惠輔聖明而

致治著母教以居尊燕翼詒謀本支百代際茲獻歲福
履其成臣某忝衛懷遠何補事功祝上壽之齊年同家
邦之永久

東宮箋

上言陽德維新春為歲首盛會同之令典仰主毫以同

尊

中賀

敬惟皇太子殿下英資天稟玉裕金冲侍膳問

安集邦家之景福際茲吉日樂育清平某忝司守禦莫綴班行上福壽之千秋效履端之善頌

長淮衛指揮使司正旦進賀表箋三道

上位表

上言天時正則歲功以成肇當獻歲之初吉協亨嘉之

會凡在海宇莫不惟心

中賀

敬惟皇帝陛下居位至尊

聰明聖武正紀綱而致治制禮樂以興文航海梯山萬

方玉帛際茲正旦共樂清平臣某等祇承恩命忝衛長
淮願福祿之來同萬斯年而永久

中宮箋

上言玉厯之頒肇當獻歲衣冠玉帛內教同尊敢陳祝
頌之誠欣際會朝之旦中賀欽惟皇后殿下正位宮廷
母儀天下式著肅雍之德用成勤儉之功贊輔皇猷本
支百代對時育物吉履其宜臣某等幸逢景運職寄長
淮祝聖壽之齊年協徽音而獻頌

東宮箋

上言聖運天開前星示象際一統車書之盛合衣冠禮
樂之朝福集東宮懽同海宇

中賀

敬惟皇太子殿下英

姿天稟盛德日新安邦本以係人心輔皇猷而遵聖訓
太平盛治與物為春某等忝衛長淮幸逢吉旦祝千秋
之上壽歌漢頌之重暉

鳳陽衛指揮使司正旦進賀表箋三道

上位表

上言春為歲首聖人頌厯象於天下所以明政教也玉殿聯
班萬方玉帛中賀欽惟皇帝陛下文武聖神撫期應運恭勤
修治肇新制作致太平之盛成樂育之功際茲正旦禮
樂會朝同億兆之惟心矣臣某等忝衛鳳陽祇承恩命
上億萬斯年之壽效周詩祝頌之忱

中宮箋

上言聖人撫運玉厯新頒集禮樂於中宮乃朝廷之盛
典中賀敬惟皇后殿下徽柔慈儉內教宮廷而上贊皇

猷致修齊治平之效是以四海之內咸歸正朔帛璧奉
貢莫不懽心致茲獻歲之初共樂雍熙之盛臣某等祇
奉恩榮忝司列衛上祝齊年之壽用歌福履之成

東宮箋

上言龍樓天近位正前星欣逢正旦之開恭上履端之

頌

中賀

敬惟皇太子殿下禮成主鬯德茂重暉懋明講

學之功式謹躬朝之禮燕謀貽永大本尊崇際陽德
之亨嘉宜倍膺於福祿某忝衛鳳陽莫伸報効千秋祝

頌同海宇之懽心焉

鳳陽中衛指揮使司正旦進賀表箋三道

上位表

上言堯典之稱上日春秋之紀王正所以示政教于天下也仰景運之雍熙進萬方之朝貢

中賀欽惟皇帝陞

下生知上聖位配乾綱天命人心之歸武功文德之盛是以海宇之內恩深樂育當春陽發育而福祿之駢集矣臣某等職為署事祇荷明恩仰九奏之鈞韶祝萬年

之上壽

中宮箋

上言歲功之成由乎內治際文明之景運盛祝樂于中
宮中賀敬惟皇后殿下徽柔懿恭母儀天下式贊衣裳
之治遂成黼黻之功是以四海一家咸安樂育太平之
象正在今日矣臣某等生逢聖明恭為署事上齊天之
萬壽與億兆以同懽

東宮箋

上言玉陛天開前星示象仰青宮而獻壽歌福祿以來

同

中賀

敬惟皇太子殿下天縱英姿日新聖學式謹問

安之禮輔成至治之功海宇同尊邦家大本際茲獻歲
福履攸宜某効職鳳陽署司中衛上千秋之美頌與陽
日以同明

鳳陽右衛指揮使司正旦表箋三道

上位表

上言歷頒大統所以奉若天運而敬授人時也禮盛彤

廷玉帛朝貢

中賀

欽惟皇帝陛下生知上聖盛德君臨

制禮樂以啓文明廣才賢而敷政教海宇之內安樂太平倍膺福祿之臻適際會同之旦臣某等忝職鳳陽實為右衛恭上萬年之頌同陳三祝之誠

中宮箋

上言聖人臨御歲序肇新內教同尊中宮盛禮

中賀敬

惟皇后殿下德盛徽柔恩覃慈惠而贊輔皇猷本支百代致宗社之尊安與邦家而同久際茲獻歲福壽齊年臣

某等祇荷明恩留司右衛欣際會同之旦實深祝頌之

東宮箋

上言玉宇春開前星正位幸際清平之運詠歌主鬯之

尊

中賀

敬惟皇太子殿下天稟英姿日新盛德式謹躬

朝之禮上承治統之傳大本尊崇人心欣悅際茲吉日
福履攸宜某祇承恩命列衛鳳陽伸報効之忠忱效履
端之善頌

留守中衛指揮使司正旦進賀表箋三道

上位表

上言春王正月景運維新集玉帛之會同乃朝廷之盛典

中賀

欽惟皇帝陛下聰明濬哲上聖之姿成車書一

統之功著修齊治平之效是以年穀豐登民安物阜與天地同其長久也臣某等留衛中都欣逢吉日致周詩之美頌上聖壽之萬年

中宮箋

上言大統承天寅正授厯盛禮樂於中宮集衣冠而稱

賀

中賀

敬惟皇后殿下位正宮庭與天同大輔聖明而

致治著內教之徽柔是以宗社尊安邦家同永躋斯民
於仁壽際獻歲之維新臣某等上逢盛時留司中衛莫
聯內殿之班惟上齊年之壽

東宮箋

上言春生萬象鶴籞天開集玉帛以會朝瞻前星而示

象

中賀

敬惟皇太子殿下英姿天稟講學高明懋明治

統之傳允協人心之要宗社尊安本支以永際茲盛旦
福履其宜某忝司中衛何補事功願同九寓之懽敬上
千秋之頌

留守左衛指揮使司正旦進賀表箋三道

上位表

上言聖人示正朔於天下所以明政教也當陽春獻歲
之初正車書一統之盛凡居率普忭舞同懽中賀欽惟
皇帝陛下位正乾綱應時撫運廣賢材以資輔佐制禮

樂以闡人文福祿來同享嘉協吉萬年之壽與宗社同
其永久臣某等生逢盛時留司左衛莫致忠勤之報惟
深祝頌之誠

中宮箋

上言聖明盛治上謹天時內壺同尊中宮盛禮集邦家
之景福合海寓之懽心中賀敬惟皇后殿下與日月同
比天為大著母教之儉勤輔聖猷之黼黻際茲獻歲仁
壽其躋臣某忝司留衛莫綴班行祝上壽以齊年協周

詩之雅頌

東宮箋

上言天開玉陛春滿青宮集玉帛以觀朝乃邦家之大
典中賀欽惟皇太子殿下英姿天稟恭敬溫文講學崇
儒上承治統問安侍膳日謹躬朝際獻歲之云初集邦
家之福祿某忝居左衛願效忠勤際景運之清平頌重
暉而獻壽

六安州正旦進賀表箋三道

上位表

上言春王正月聖人所以明一統之義玉陛班聯四方
來賀中賀欽惟皇帝陛下至聖之資允文允武而上承
景命下悅衆心航海梯山咸歸職貢福祥之集與宗社
同其永久矣臣某等幸生盛代任列州司共伸三祝之
誠敬上萬年之壽

中宮箋

上言厯頒大統萬象維新會玉帛以覲朝盛中宮之禮

樂

中賀

欽惟皇后殿下徽柔肅恭與天同大允著修齊

之效助成政教之功際此履端永臻多福

以下闕

東宮箋

原闕

滎陽外史集卷六十六

欽定四庫全書

滎陽外史集卷六十七

明 鄭真 撰

策題

月試策題

祭祀之禮尚矣天子禘諸侯祫大夫饗庶人薦上下之
殺也魯諸侯也何以有禘歟或謂魯以成王所賜故有
禘禮而又以諸侯皆有之何歟夫子嘗曰禘自既灌而

往者吾不欲觀之矣至於對或人問禘之說則又曰不知也何歟乃若季氏之八佾三家之雍徹即所謂禘樂歟抑他有其說歟

月試策題

易曰何以聚人曰財大學曰仁者以財發身則財貨豈非古今所重乎太公園府之法尚矣亦有可考者歟自漢以來或以金或以銀或以帛或鑄銅錢或用楮幣或可行或不可行何歟夫膽水浸銅可以助財而終不

行織絲為鈔亦可致用而終不用何歟

月試策題

食貨民生所重書曰潤下作鹹則鹽者朝夕所不廢也
禹貢青州厥貢鹽絺鹽豈出於青州乎自管仲著有海
王之篇後世遂有權法果可得而詳之歟昔者聖人有言
因民之所利而利之鹽為民食所資國用所係而私煎盜
販自古至今有不能革何歟

月試策題

儒與兵非二道也衛靈公問陳夫子以為未學是儒者
固未嘗知兵至於對子路則曰必也臨事而懼好謀而
成者也儒者豈不知兵乎秦漢戰爭多以孫吳兵法角
勝負趙成安君號儒者義兵而卒至敗張良受圯上一
編而卒輔成漢業何歟下至諸葛武侯亦號儒者其出
師二表與伊訓說命相表裏然而天下三分終不能混
一豈儒者有不足用歟

月試策題

古之大臣以身任國家之事者若商之伊傅周之周召其功烈不可尚矣漢之蕭曹邴魏唐之房杜姚宋可與商周並稱歟諸葛孔明佐蜀偏安一隅先儒論其為王者氣象其功名事業可與漢唐諸君子比乎

月試策題

科舉之設尚矣周有俊士選士造士之目其詳可得聞
歟漢有孝廉秀才其法備矣然舉秀才不知書舉孝廉
濁如泥何乃有名無實歟隋唐以來有進士有明經而

得人之盛終不及如成周何歟且賢書拜受與糊名較藝孰優投牒自進與郡縣勸駕孰劣詞賦之浮華經術之理致其孰難而孰易孰輕而孰重歟諸君子必有其說

月試策題

孔孟之學尤重於治夫子嘗曰道千乘之國敬事而信節用而愛人使民以時說者謂堯舜之治亦不過此然而顏淵問為邦則有夏時殷輅周冕韶樂之說滕文公

問為國則有助貢徹及庠序校之說何其言之不一歟
月試策題

馬政之法尚矣宣王之伐玁狁則曰四牡有業其狩東
都則曰我馬既同是馬所以資國用也周官六馬之法
可得聞歟自漢及唐馬政益詳漢有太僕等官唐則毛
仲史萬歲之流皆以牧馬名世然史稱牧馬之盛惟北

魏至

闕

月試策題

國家制兵所以為致治保邦之策成周有居衛有行衛其制可得詳乎漢有南北軍唐有南北衙與漢制同乎且漢唐立國之初委任得人其後多宦官主之遂召亡國之禍其故何歟

月試策題

古者寓兵於農故天子之兵止於六軍六軍之兵至於六鄉其出則為士為卒其入則為農為士兵農固為一矣至漢之兵有分番有常屯有遠征唐有府衛有彊騎有禁

軍其得失詳畧可得聞乎

月試策題

國家制兵必使內外相維無偏重之患古者六鄉之內
六軍寓焉征徐以魯伐貊以韓平淮夷以江漢此內外
折衝制亂之具漢列郡有都尉典武職甲卒王國則以
內史侯國則亦有相與夫材官騎士樓船皆兵也其亦
有可考歟然而變故迭興建置不一而董卓曹操卒以
外兵亡漢其弊何如歟唐之府兵折衝都尉雖多在京

師而亦散在諸道其後變為驍騎軍籍不補卒召范陽之變異時方鎮相望武夫健卒為侯為王朱李之徒相繼犯京而唐以亡其孰有以致之歟漢唐往矣今欲内外相維無所偏重用以為守國護民之基以何道而可

月試策題

富國足兵莫重屯田自漢以來有事而此規制始創延及魏晉而極於唐其詳可得聞歟今魏晉故地漢唐舊規猶有存者而未盡為修復豈今古異勢而有所不能

歟省漕運而寬國費此正士君子所宜用心也願聞其說

月試策題

夫子嘗曰以不教民戰是謂棄之春秋書大閱又書治兵是兵固貴於練習也然古者以民為兵後世籍農為兵此即不教之民也然昭義步兵雄邊子弟有如唐李抱真及李德裕者豈兵之終不可得而用歟

月試策題

兵必有帥號令進退皆稟聽焉然有扈之師六事咸在
牧野之職三卿同出是兵權不在於專也詩稱皇父整
師尹氏播令程氏出征則兵權豈在於專與漢之南軍以
衛尉主之北軍以中衛主之唐制十六衛各分左右而
復有元從正軍之設則兵權又豈不專於一歟

月試策題

刑之為法尚矣書曰象以典刑刑之大者莫過于五然
而五服五宅三就三居之法可得而詳歟穆王作呂刑

制為贖鍰之法則有罪者固可以貨免也聖人何為而取之乎漢法三章固足以順民蕭何作律九章而猶謂闊疏後增至三百九十五章抑何其多歟夫道德齊禮聖人為政之要也今欲教化流行刑措不用何道而可諸君子必有知之者

月試策題

六經之道同歸禮樂之用為急記曰王者功成作樂治定制禮是國家之制禮樂宜也夫子言無位有德無德

有位不敢作禮樂焉至於顏淵問為邦則告之以四代之禮樂何歟夫子嘗言立禮成樂又言文之以禮樂是禮樂固學者所用心也而又曰禮云禮云玉帛云乎哉樂云樂云鍾鼓云乎哉又曰人而不仁如禮何人而不仁如樂何然則其何以用其力歟孟子嘗言見其禮而知其政聞其樂而知其德又曰禮之實節文斯二者而已其於禮樂何其有淺深歟今天下文物禮樂粲然大備設官分職古之制也後世試守權行之法何以立乎

守官皆序舊階不食全俸其法固然矣然而滿歲稱職為真其不稱職者何所處置乎

月試策題

學校之法尚矣孟子曰皆所以明人倫也校庠序之法可得聞乎學則三代共之豈校庠序之外別有學歟周之成均漢之太學與校庠序之法同乎唐有七學之制亦云盛矣然而教養之法不能無憾何歟我國家上自京師下至郡州縣皆有學矣然生徒猶有不肯力於學

者豈父不教而師有未嚴歟願聞其說

月試策題

察舉孝廉漢制也若鮑宣王吉固為得人矣然在當時有孝廉濁如泥之說其何以為循名責實之道歟夫孝如曾閔廉如伯夷斯謂之稱今天下大小要職皆孝廉矣其亦有伯夷曾閔之流歟

月試策題

五帝三王功德之盛後世莫及春秋五伯功罪相半殆

必有其故歟漢之七制唐之三宗其於五帝三王或庶
幾乎願聞其說

榮陽外史集卷六十七

欽定四庫全書

滎陽外史集卷六十八

明鄭真撰

闕

榮陽外史集卷六十八

欽定四庫全書

滎陽外史集卷六十九

明鄭真撰

闕

滎陽外史集卷六十九

欽定四庫全書

滎陽外史集卷七十

明鄭真撰

闕

滎陽外史集卷七十

欽定四庫全書

滎陽外史集卷七十一

明鄭真撰

關

滎陽外史集卷七十一

欽定四庫全書

榮陽外史集卷七十二

明鄭真撰

闕

滎陽外史集卷七十二

欽定四庫全書

滎陽外史集卷七十三

明鄭真撰

闕

榮陽外史集卷七十三

欽定四庫全書

滎陽外史集卷七十四

明鄭真撰

闕

榮陽外史集卷七十四

欽定四庫全書

滎陽外史集卷七十五

明鄭真撰

闕

滎陽外史集卷七十五

欽定四庫全書

滎陽外史集卷七十六

明鄭真撰

闕

滎陽外史集卷七十六

欽定四庫全書

榮陽外史集卷七十七

明鄭真撰

闕

滎陽外史集卷七十七

欽定四庫全書

榮陽外史集卷七十八

明鄭真撰

闕

滎陽外史集卷七十八

欽定四庫全書

滎陽外史集卷七十九

明鄭真撰

闕

滎陽外史集卷七十九

欽定四庫全書

滎陽外史集卷八十

明鄭真撰

闕

滎陽外史集卷八十

欽定四庫全書

滎陽外史集卷八十一

明鄭真撰

闕

榮陽外史集卷八十一